

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KTK 0057344 23  
Zenica, 04.06.2024. godine

**OPĆINSKOM SUDU U ZENICI**  
**Sudiji za prethodno saslušanje**

Na osnovu člana 45. stav 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

**OPTUŽNICU**

**Protiv,**

**Č. V.,** zvanog „C.“ neosuđivan,

**što je,**

Dana 08.02.2024. godine, oko 13:00 sati, u Zenici, u mjestu Poce-Grabovik, nakon što je ranije tog dana putem telefona pozvao službenu osobu, Višeg referenta-čuvara šuma (lugar) T. S. da dođe do njegove kuće, pa kada je isti došao, proveo ga do svoje garaže koja se nalazi u sklopu kuće gdje mu je pokazao drvenu masu koju je lugar T. S. dana 06.02.2024. godine uočio i za koju je utvrdio da V. nema dokaze o porijeklu i da potiče iz nelegalne sječe, zbog čega mu je rekao da će protiv njega podnijeti krivičnu prijavu, da bi potom otišao u kuću gdje se kratko zadržao, nakon čega je ponovo izašao, prišao T. S. koji je stajao na putu ispred kuće, nudio mu novac govoreći mu da ne piše protiv njega prijavu, a kada je isti to odbio, u namjeri da T. S. kao službena osoba u okviru svoje funkcije ne učini što bi morao učiniti, i da ne podnese krivičnu prijavu protiv njega, u lijevi džep njegove dukserice mu ubacio 50,00 KM serijskog broja ....., svjestan njegovih dužnosti da u okviru svog posla mora prijaviti nelegalnu sječicu i da na taj način želi da izbjegne krivičnu odgovornost učinio dar T.S., što je i htio, nakon čega je novčanica od 50,00 KM serijskog broja ..... privremeno oduzeta od T.S.,

**Dakle,** službenoj osobi u FBiH učinio dar da u okviru svoje funkcije ne učini što bi morala učiniti,

**Čime je** počinio krivično djelo davanje dara i drugih oblika koristi iz člana 381. stav 1. Krivičnog zakona Federacije Bosne i Hercegovine (KZ F BiH).